

**Arkiv:**  
**JournalpostID:** 19/1999  
**Saksbehandlar:** Ørjan Raknes  
Forthun  
**Dato:** 26.11.2019

## Saksframlegg

| Saksnr. | Utvalg             | Møtedato   |
|---------|--------------------|------------|
| 015/19  | Alver formannskap  | 05.12.2019 |
|         | Valnemnda          |            |
|         | Alver kommunestyre |            |

### Borgarleg vigsel i Alver kommune

#### Vedlegg i saken:

26.11.2019      Retningsliner for borgarleg vigsel i Alver kommune      1329039

#### Rådmannen sitt framlegg til vedtak:

I medhald av «Lov om endring i ekteskapslova og bustøttelova m.m. (oppgåveoverføring til kommunane)» av 16. juni 2017, paragraf 12 punkt b., gjev kommunestyret i Alver følgjande folkevalde og kommunalt tilsette vigselsmynde med verknad frå 1. januar 2020.

#### Frå Alver kommunestyre

Kommunestyrerepresentant \_ \_ \_ \_ \_

#### Frå administrasjonen

Kultursjef Eirik Bouwer Utne  
Kommuneadvokat Jarle Landås

Kommunestyret godkjenner bruk av rådhuset i Knarvik og Frekhaug og Tingstova på Manger som vigselsstadar i Alver kommune.

Alver kommune vil så langt som råd prøve å etterkome brudeparet sine ønskje om vigselsstad. Om det førar med seg ekstraordinære kostnader/planlegging, må brudeparet sjølv stå for organisering og meirkostnader.

Kommunestyret tek retningsline for vigsel i Alver kommune til orientering.

#### Alver formannskap 05.12.2019:

#### Behandling:

Saka vert sendt valnemnda før endeleg handsaming i kommunestyret.  
Saka vart samrøystes vedteke.

**FO- 015/19 Vedtak:**

Saka vert sendt valnemnda for endeleg handsaming i kommunestyret.

**Bakgrunn**

I «Lov om endring i ekteskapslova og bustøttelova m.m. (oppgåveoverføring til kommunane)» av 16. juni 2017 nr. 66, med forarbeid, går det fram at borgarleg vigslar vert overført frå notarius publicus (tingretten) til kommunane frå 01.01.2018.

Ordførar og varaordførar er i hht lovas paragraf 12 punkt b., gjeven vigselfmynd i kraft av sine verv. Samstundes er kommunestyret gjeve kompetanse til å gje vigselfmynd til kommunalt tilsette eller folkevalde.

Kommunestyret må ta stilling til om det i Alver kommune skal gjevast vigselfmynd til andre enn dei som følgjer av lova (ordførar og varaordførar) og eventuelt kven som skal gjevast slik mynd.

**Vurdering**

Det er viktig å ta omsyn til at ordførar og varaordførar har ein travel og tett kalender. I tillegg må det takast høgde for at det kan inntreffe sjukdom og at ferie skal avviklast. Dette kan gjere dei baa utilgjengeleg på enkelte tidspunkt avsett til vigself og som særleg er ønskja av brudepar.

Det er difor rådmannen sin vurdering at det av omsyn til ikkje å avgrense brudepara si valmoglegheit når det gjeld tidspunkt for vigself, leggast opp til «overdekning» heller enn «underdekning» av vigslarar.

Rådmannen rår derfor til at kommunestyret gjev vigselfmynd til ytterlegare ein folkevald slik at det er tilstrekkeleg dekning til å skjotte denne oppgåva i dei tilfella brudeparet ønskjer å bli vigde av ein folkevald.

Det er Barne- og likestillingsdepartement klare råd til kommunane at det også vert oppnemnd kommunalt tilsette som kan vere egna til vigseloppgåva. Bakgrunn for dette klare rådet er at det kan vere tenleg at vigselseremonien også kan verte utført av nokon som er politisk nøytral, då mange brudepar kan ha eit ønskje om at vigselsseremoni skal ha eit preg av politisk nøytralitet, noko ein ikkje vil få dersom ein folkevald er vigslar.

For å ta omsyn til dei som ynskjer ein politisk nøytral vigslar, rår rådmannen til at det også vert gjeven vigsselfmynd til to tilsette frå administrasjonen. Dei same grunnar som er vist til for dei folkevalde, jf. ovanfor, gjer seg også gjeldande for dei tilsette i administrasjonen og det blir anbefalt at det også her gjevast vigsselfmynd til to tilsette.

Rådmann gjev følgjande anbefaling;

- Kultursjef Eirik Bouwer Utne
- Kommuneadvokat Jarle Landås

Kultursjef i Alver, som administrator og ansvarleg for den nye vigsselfordninga i kommunen, vil passe godt som vigslar.

Kommuneadvokaten er også eit naturleg val som vigslar, då han gjennom sin formalkompetanse også ville vore kvalifisert til å fungere som Notarius publicus (vigslar) ved tingrettane etter den gamle

vigselsmodell. Brudepar vil av den grunn lett kunne identifisere ham med rolla som vigslar.

Etter dette vil det vere tre folkevalde frå kommunestyret og to representantar frå administrasjon som vil kunne utføre borgarlege vigslar i Alver kommune.

Vigselsmynde gjeld til den folkevalde trer ut av kommunestyret eller den kommunalt tilsette avsluttar sitt arbeidsforhold i Alver kommune. Vigselsmynde vil då automatisk opphøyra.

### **Vigselsstadar i Alver kommune**

Det vil vere naturleg at lokalar på Rådhuset i Knarvik og på Frekhaug og Tingstova på Manger vert nytta som vigslestad. Ein kan og nytte andre stadar i Alver. Alver kommune vil så langt som rå prøve å oppfylle brudeparet sine ønskje om vigslingsstad. Om det skulle føre til ekstraordinære kostnader/planlegging, vil brudeparet sjølv måtte stå for organisering og meirkostnader.

### **Rutinar knytt til borgarleg vigsel**

I utforming av rutinar m.m. knytt til borgarleg vigsel, har administrasjonen sett til domstolane sine rutinar kring utøving av vigselsmynde.

Alver kommune gjev tilbod om borgarleg vigsel som ein del av servicetilbodet til innbyggjarane. Tilbodet kan variere noko frå kommune til kommune. Felles for alle er dei rammene regelverket stiller til kven som har vigselskompetanse og vilkåra for å kunne gjennomføre ein vigsel.

Føremålet med retningslina er å bevisstgjere kommunen både med omsyn til tanken bak servicetilbodet, samt vere instruks for vigselsoppgåva. Retningslina er meint til internt bruk.

Se elles vedlagte retningsliner.